

四庫全書

集部

欽定四庫全書

集部

古詩紀卷五十五

六

詳校官檢討臣德生

侍讀臣孫球覆勘

總校官知縣臣楊懋珩

校對官助教臣卜維吉

謄錄監生臣陸潮愈

欽定四庫全書

古詩紀卷五十五

明 馮惟訥 撰

宋第一

文帝

諱義隆武帝第二子先封宜都王徐羨之等廢少帝迎帝入承大統後為元凶劾所弒

登景陽樓

崇堂臨萬雉層樓跨九城  
瑤軒龍翠幌組幙翳雲屏  
階上曉霧濛林下夕風清  
嬾燕綠葉芳蘭媚紫莖  
極望周天險留察泱神京  
交梁紛綺錯列植發華英

北伐

李文鑒禍先辛生識機始崇眷

疑作替

非無徵興廢要有

以自昔淪中畿脩馬盈百祀不覩南雲陰但見胡塵起

亂極治方形塗泰由積否方欲除遺氛矧乃穢邊鄙眷

言悼斯民納隍良在已逝將振宏綱

一作羅

一麾同文軌

孝武帝

端駿字休龍文帝第三子封武陵王元凶劾

品曰宋孝武帝詩南平王鑠詩建平王宏詩孝武  
詩雕文織綵過為精家為二藩希慕見稱輕巧矣

丁督護歌六首

一曰阿督護宋書樂志曰督護歌者彭城內史徐  
達之為魯軒所殺宋高祖使府內直督護丁時收  
歛殯埋之達之妻高祖長女也呼時至閣下自問  
殯送之事每問輒歎息曰丁督護其聲哀切後人  
因其聲廣為曲焉唐書樂志曰丁督護  
晉宋間曲也今歌是宋孝武帝所製云

督護北征去前鋒無不平朱門垂高蓋永世揚功名  
洛陽數千里孟津流無極辛苦戎馬間別易會難得  
督護北征去相送落星墟帆檣如芒刺督護今何渠  
聞歡去北征相送直瀆浦只有淚可出無復情可吐  
督護初征時儂亦惡聞許願作石尤風四面斷行旅

欽定四庫全書

古詩  
卷五十五

二

食可充其腹各易文下里可成良司可自見飲子樂

貴江江舟在江陰樓二日打車于方月作日人報一府  
作王  
金珠

自君之出矣

一云擬室思  
玉臺作許瑤

自君之出矣金翠闇無精思君如日月回還晝夜生

遊覆舟山

束髮好怡衍弱冠頗流薄素想終勿傾聿來果邱壑層  
峯亘天維曠渚綿地絡蓬臯列神苑遭壇樹仙閣松塏  
含青暉荷源煜彤爍川界泳遊鱗巖庭響鳴鶴

登作樂山

脩路軫孤轡  
竦石頓飛轅  
遂登千尋首  
表裏望丘原  
屯煙擾穴積  
水溺雲根  
漢潦吐新波  
楚山帶舊苑  
壤草凌故國  
拱木秀顏垣  
目極情無留  
客思空已繁

登魯山

解帆憩通渚  
息徒憑椒丘  
粵值風景和  
升高從遠眸  
紀郢窮西路  
湘夢極南流  
杳哉漢陰水  
浩焉江界脩

濟曲阿後湖

欽定四庫全書

古詩紀  
卷五十五

三

青豈此凌洛旦  
過雲陽郭平  
胡廣津濟  
旅者失羽燕和

風翼歸采夕氛晦山岬驚瀾翻魚藻頽霞照桑榆

與廬陵王紹別

連歲矜離心今茲幸良集信宿窮晨暮開顏披所載未  
盡歡娛懷已傷岐路及舳艫引江介飛旌背爾邑悄擾  
徒旅戒團欒流景入遲遲分手念泣泣登路泣

幸中興堂餞江夏王詩

送行悵川逝離酌偶歲陰陰雲掩歡緒江山起別心



拜衡陽文王義季墓

昧旦憑行軾濡露及山庭投步矜履蹈舉目增淒清  
輶路滅歸軫淪闔負重局深松朝已霧幽隧晏未明  
長楊數晚素宿草披初青哀往起沈泉追愛慟中情  
竹帛憑年遠世範隨伏傾

七夕二首

白日傾晚照弦月升初光炫炫葉露滿肅肅庭風揚  
瞻言媚天漢幽期濟河梁服箱從奔輶紉綺闕成章  
解帶

遽迴軫誰云秋夜長  
愛聚雙情款念離兩心傷

開庭鏡天路餘光不可臨  
冷風被弱縷迎輝貫玄鍼  
斯藝成無取時物聊可尋

夜聽妓

寒夜起聲管促席引靈寄  
深心屬悲絃遠情逐流吹  
芳襟憑若辰誰謂懷忘易

詠史

聶政憑驍氣荆軻擅美風  
孤刃駭韓庭獨步震秦宮  
懷

音豈若始捐軀在命終雄姿列往志流聲固無窮

初秋

夏盡炎氣微火息涼風生綠草未傾色白露已盈庭遠  
視秋雲發近聽寒蟬鳴運移矜物化川上感餘情

秋夜

局景薄西隅升月照東垂肅肅風盈幕泣泣露傾枝側  
聞飛壺急坐見河宿移覩辰念節變感物矜乖離

四時

南史曰孝武抑侮羣臣各有稱目柳元景桓護之  
雖並北人而王玄謨獨受老僉之目嘗為玄謨作

四時  
詩

董如供春膳粟漿充夏餐爬醬調秋菜白醪解冬寒

望月

以下二首  
文廷闕

褰幕蕩暄氣入夜漸流清微微風始發曖曖月初明思  
因徃物深悲以歸雲盈

北伐

表裏跨原隰左右御川梁月羽皎素魄皇旗赭

赭許  
力切

赤

光

離合

霏雲起兮汎濫雨靄昏而不消意氣悄以無樂音塵寂  
而莫交守邊境以臨敵寸心厲於戎昭閣盈圖記門滿  
賓僚仲秋始戒中園初凋池育秋蓮水減寒漂盲歸塗  
以易感日月逝而難要分中心而誰寄人懷念而必謠

悲客他  
方字

華林都亭曲水聯句

一云華林園  
效栢梁體

九宮盛事予旒纁

帝

三輔務根誠難亮

揚州刺史夏王義恭

江策

拙粉鄉慙恩望

南徐州刺史竟陵王誕

折衝莫效興民謗

領軍將軍元景

侍禁衛儲恩踰量

太子右率

臣謬叨寵九流曠

吏部尚書 嗾

脣廢職方思讓

侍中

明筆直繩天威諒

御史中丞顏師伯

江夏王義恭

武帝桓美人所生也元嘉中為司徒建武三年為太宰後為廢帝所殺明帝定

亂復舊爵邑謚曰文獻

豔歌行

江南遊湘妃窈窕漢濱女淑問流古今蘭音媚鄭楚瑤

顏映長川善服照通許求思望裏滯歎息對衡渚中情  
未相感搔首增企予悲鴻失良匹俯仰戀儔侶徘徊忘  
寢食羽翼不能舉傾首佇春鶯為我津辭語

遊子移

三河遊蕩子麗顏邁荆寶携持玉柱箏懷挾忘憂草綢  
繆甘泉中馳逐邯鄲道春服候時製秋紈迎涼造珍魄  
暉素腕玉迹湍襟抱常歎樂日晏恒悲歡不早揮吹傳  
舊美趨謠盡新好仲尼為輟餐秦王足傾倒

自君之出矣

自君之出矣，寄錦廢不開。思君如清風，曉夜常徘徊。

登景陽樓

丹墀設金屏，瑤榭陳玉牀。溫宮冬開燠，清殿夏含霜。弱  
藥布遐馥，輕葉振遠芳。彌望少無際，肆睇周華疆。象闕  
對馳道，飛廉矚方塘。郎寺送暉曜，槐柳自成行。通川溢  
輕艫，長街盈方箱。顧此爝火微，胡顏廁天光。

彭城戲馬臺集



騁騫辭南京弭節憩東楚懿蕃重遐望興言集僚侶于  
役未云淹時遷變滄暑眷戀江水流迴首獨延佇

溫泉

秦都壯溫谷漢京麗湯泉炎德潛遠液暄波起茲源

闕

失題

見初學  
泰山部

大明總神武乘時以御天金牒封梁甫玉簡禪岱山

闕

臨川王義慶

長沙景王第二子臨川王道規無子以  
義慶為嗣永初元年襲封臨川王徵為

侍中丹陽尹尚書左僕射歷荆江南兗三州刺史  
史為性簡素寡嗜欲愛好文義足為宗室之表

遊麗湖

暄景轉諧淑草木日滋長  
梅花覆樹白桃杏發榮光

闕

南平王鑠

字休玄文帝第四子未弱冠擬古三十餘首時人以為亞迹陸機元亮弒立以鑠為

侍中及孝武入討鑠歸義最晚常懷憂懼然負才俊競每與兄弟計度藝能屢輕孝武孝武毒殺之

三婦豔詩

大婦裁霧縠中婦牒冰練  
小婦端清景含歌登玉殿  
丈人且徘徊臨風傷流霰

白紵曲

僂僂徐動何盈盈玉腕俱凝若雲行佳人舉袖輝

玉臺作耀

青蛾摻摻擢手映鮮羅狀似明月汎雲河體如輕風動  
流波

擬行行重行行

眇眇陵長道遙遙行遠之廻車背京里

玉臺作邑

揮手從此

辭堂上流塵生庭中綠草滋寒蠶翔水曲秋兔依山基  
芳年有華月佳人無還期日夕涼風起對酒長相思悲  
發江南調憂安子衿詩臥覺明燈晦坐見輕紈縑淚容

不可飾幽鏡難復治

一作持

願垂薄暮景照妾桑榆時

擬明月何皎皎

落宿半遙城浮雲藹層闕玉宇來清風羅帳延秋月結  
思想伊人沈憂懷明發誰為客行久屢見流芳歇河廣  
川無梁山高路難越

擬孟冬寒氣至

白露秋風始秋風明月初明月照高樓露落落

一作白露

皎玄

除迨及涼風起行見寒林疎客從遠方至贈我千里書

先叙懷舊愛未陳久離居一章意不盡三復一作幅情有餘願遂平生志無使甘言虛

擬青青河邊草

淒淒含露臺肅肅迎風館思女御櫺軒哀心一作聲徹雲

漢端撫悲絃泣獨對明燈歎良人久遙役耿介終昏旦  
楚楚秋水歌依依採菱彈

代收淚就長路

聳轡高陵曲揮袂廣川漬黃塵昏白日悲風一作荒塞起浮

雲蕭條萬里別契闊三秋分時往從朝露年來驚夕氤  
徘徊去芳節依遲從遠軍

過歷山湛長史草堂

茲嶽蘊虛詭憑覽趣亦瞻九峯相接連五渚逆縈浸層  
阿疲且引絕巖暢方禁溜衆夏更寒林交晝常蔭伊余  
久縉涅復得味恬淡願遂安期生於焉愜高枕

七夕詠牛女

秋動清風扇火移炎氣歇廣簷含夜陰高軒通夕月安

步巡芳林傾望極雲闕組幙縈漢陳龍駕凌霄發誰云  
長河遙頗覺一作刺促筵悅沈情未申寫飛光已飄忽來

對眇難期今歡自茲沒

秋歌

藝文無題  
在秋部

昊天清且高秋氣發初涼白露下微津明月流素光凝  
煙汎城闕淒風入軒房朱華先零落綠草就黃纖羅  
還筍篋輕紈改衣裳

王韶之

字休泰偉之之子晉義熙中除著作郎復補  
通直郎領西省事武帝受命加驍騎將軍少

帝時出為吳郡太守徵  
為祠部尚書加給事中

贈潘綜吳達舉孝廉詩

六章

東寶惟金南木有喬發輝曾崖竦幹重霄美哉茲土世  
載英髦育翮幽林養音九臯

唐后明敷漢宗蒲輪我皇降鑒思樂懷人羣臣競薦舊  
章惟新余亦奚貢曰義與仁

仁義伊在惟吳惟潘心積純孝事著艱難投死如歸淑  
問若蘭吳實履仁心力偕單固此苦節易彼歲寒霜雪



雖厚松柏丸丸

人亦有言無善不彰二子微猷彌久彌芳拔叢出類景  
行朝陽誰謂道遐弘之則光容爾庶事無然怠荒

江革奉摯慶祿是荷姜詩入貢漢朝容嗟勗哉行人敬  
爾休嘉俾是下國炤輝京華

伊余朽駘竊服懼盜無能禮樂豈暇聲教順彼康夷懿  
德是好聊綴所懷以贈二孝

詠雪離合

霰先集兮雪乃零散輝素兮被簷庭曲室寒兮朔風厲  
州陸涸兮羣籟鳴

何承天

東海郢人博通古今尤精歷數  
仕宋領著作郎官至御史中丞

鼓吹鏡歌十五首

宋書樂志曰鼓吹鏡歌十五  
篇何承天晉義熙中私造

朱路篇

朱路揚和鸞翠蓋耀金華玄牡飾樊纓流旌拂飛霞雄  
戟闢曠塗班劍翼高車三軍且莫喧聽我奏鏡歌清鞞

驚短簫朗鼓節鳴笳人心惟愷豫茲音亮且和輕風起  
紅塵渟瀾發微波逸韻騰天路積響結城阿仁聲被八  
表威震振九遐嗟嗟介冑士勗哉念皇家

思悲公篇

思悲公懷衮衣東國何悲公西歸公西歸流二叔幼主  
既悟偃禾復偃禾復聖志申營都新邑從斯民從斯民  
德惟明制禮作樂興頌聲興頌聲致嘉祥鳴鳳爰集萬  
國康萬國康猶弗已握髮吐餐下羣士惟我君繼伊周

親覩盛世復何求

雍離篇

雍士多離心  
荆民懷怨情  
二凶不量德  
構難稱其兵王  
人銜朝命正  
辭糾不庭上  
宰宣九伐萬  
里舉長旌樓船  
掩江漬駟介  
飛重英歸德  
戒後夫賈勇  
尚先鳴逆徒  
既不濟愚智  
亦相傾霜鋒  
未及染鄢郢  
忽已清西川  
無潛鱗北渚  
有奔鯨凌威  
致天府一戰  
夷三城江漢  
被美化宇宙  
歌太平惟我  
東郡民曾是  
深推誠

戰城南篇

戰城南衝黃塵丹旌電燄鼓雷震勅敵猛戎馬殷橫陣  
亘野若屯雲仗大順應三靈義之所感士忘生長劒擊  
繁弱鳴飛鏑炫晃亂奔星虎騎躍華眊旋朱火延起騰  
飛煙驍雄斬高旗舉長角浮呌響清天夷羣寇殪逆徒  
餘黎霑惠詠來蘇奏愷樂歸皇都班爵獻俘邦國娛

巫山高篇

巫山高三峽峻青壁千尋深谷萬仞崇巖冠靈林冥冥

山禽夜響晨猿相和鳴洪波迅瀆載逝載停悽悽商旅  
之客懷苦情在昔陽九皇綱微李氏竊命宣武耀靈威  
蠢爾逆縱復踐亂機王旅薄伐傳首來至京師古之為  
國惟德是貴力戰而虐民鮮不顛墜矧乃叛戾伊胡能  
遂咨爾巴子無放肆

上陵者篇

上陵者相追攀被服纖麗振綺紵携童幼升崇巒南望  
城闕鬱盤桓王公第通衢端高甍華屋列朱軒臨濬谷

撥秋蘭士女悠奕映隰原指營邱感牛山爽鳩既沒景  
君歎嗟歲聿逝不還志氣哀沮玄鬢斑野莽宿墳土乾  
顧此纍纍中心酸生死亦何怨取樂今日展情歡

將進酒

將進酒慶三朝備繁禮薦嘉肴榮枯換霜霧交緩春帶  
命朋僚車等旗馬齊鑣懷溫克樂林濠士失志愠情勞  
思旨酒寄遊遨敗德人甘醇醪耽長夜惑淫妖興屢舞  
厲哇謠形傴僂聲號呶首既濡志亦荒性命天國家亡

嗟後生節酣觴匪酒辜孰為歿

君馬篇

君馬麗且閑揚鑣騰逸姿駿足躡流景高步追輕飛冉  
冉六轡柔奕奕金華暉輕霄翼羽蓋長風靡淑旂願為  
范氏驅雖容步中畿豈效詭遇子馳騁趣危機鉛陵策  
良駟造父為之悲不怨吳坂峻但恨伯樂稀赦彼岐山  
盜寶濟韓原師奈何漢魏主縱情營所私疲民甘藜藿  
廐馬患盈肥人畜智厥養蒼生將馬歸



芳樹篇

芳樹生北庭豐隆正徘徊翠穎陵冬秀紅葩迎春開佳  
人閑幽室惠心婉以諧蘭房掩綺幌綠草被長階日夕  
遊雲際歸禽命同棲皓月盈素景涼風拂中閨哀絃理  
虛堂要妙清且淒嘯歌流激楚傷此碩人懷梁塵集丹  
帷微飈揚羅袿豈怨嘉時暮徒惜良願乖

有所思篇

有所思思昔人曾閱二子善養親和顏色奉昏晨至誠

金史卷之八十三  
卷五十五  
烝烝通明神鄒孟軻為齊卿稱身受祿不貪榮道不用  
獨擁楹三徙既許禮義明飛鳥集猛獸附功成事畢乃  
更聚哀我生邁古閔幼罹荼酷備艱辛慈顏絕見無因  
長懷永思託丘墳

雉子遊原澤篇

雉子遊原澤幼懷耿介心飲啄雖勤苦不願棲園林古  
有避世士抗志青霄岑浩然寄卜肆揮棹通川陰逍遙  
風塵外散髮撫鳴琴卿相非所眄何況於千金功名豈

不美寵辱亦相尋  
冰炭結六府憂虞纏胃襟  
當世須大度量已不克任  
三復泉流誠自警良已深

上邪篇

上邪下難正衆枉不可矯  
音和響必清端景緣直表  
大化揚仁風齊人猶偃草  
聖王既已沒誰能弘至道  
開春湛柔露代終肅嚴霜  
承平貴孔孟政弊戾申商  
孝公明賞罰六世猶克昌  
李斯肆濫刑秦民所以亡  
漢宣隆中興魏祖寧三方  
譬彼鍼與石效疾而稱良  
行葦非不厚

悠悠何詎央琴瑟時未調改絃當更張矧乃治天下此  
要安可忘

臨高臺篇

臨高臺望天衢飄然輕舉凌太虛携列子超帝鄉雲衣  
雨帶乘風翔肅龍駕會瑤臺清暉浮景溢蓬萊濟西海  
濯洧盤佇立雲嶽結幽蘭馳迅風遊炎州願言桑梓思  
舊遊傾霄蓋靡電旌降彼天塗頽窈冥辭仙族歸人羣  
懷忠抱義奉明君任窮達隨所遭何為遠想令心勞

遠期篇

遠期千里客肅駕候良辰近命城郭友具爾惟懿親高  
門啓雙闥長筵列嘉賓中唐儻六佾三廂羅樂人簫管  
激悲音羽毛揚華文金石響高宇絃歌動梁塵脩標多  
巧捷九劒亦入神遷善自雅調成化由清均主人垂隆  
慶羣士樂忘身願我聖明君遐期保萬春

石流篇

石上流水湍湍其波發源幽岫永歸長河瞻彼逝者歲

月其偕子在川上惟以增懷嗟我殷憂載勞寤寐遘此  
百罹有志不遂行年倏忽長勤是嬰永言沒世悼茲無  
成幸遇開泰沐浴嘉運綏帶安寢亦又何愠古之為仁  
自求諸已虛情遙慕終於徒已

古詩紀卷五十五

欽定四庫全書

古詩紀卷五十六

明 馮惟訥 撰

宋第二

顏延之

字延年琅邪臨沂人性疎淡不競細行而文章冠絕當時初為宋公豫章世子叅軍及公

即帝位補太子舍人廡陵王侍之甚厚執政以其  
搆扇異同因帝崩出為始安太守文帝元嘉三年  
徵為中書侍郎未幾復出守永嘉孝武登阼以為  
金紫光祿大夫卒贈特進謚曰憲○詩品曰延之  
詩其源出於陸機尚巧似體裁綺密情喻淵深動  
無虛散一句一字皆致意焉又喜用古事獨見拘  
束雖華秀逸是經綸文雅才雅才減若人則蹈於  
困躓矣湯惠休曰謝詩如芙蓉出水顏詩如錯彩

鑣金顏終  
身病之

應詔燕曲水作詩

八章 以下四言 以

宋畧曰文帝元嘉十一年三月丙申楔飲于樂遊苑且祖道江夏王義恭衡陽王義季有詔會者賦詩

道隱未形治彰既亂帝迹懸衡皇流共貫惟王創物永錫洪算仁固開周義高登漢

祚融世哲業光列聖太上正位天臨海鏡制以化裁樹之形性惠浸萌生信及翔泳



崇虛非微積實莫尚豈伊人和實靈所賦日完其朔月  
不掩望航琛越水輦賁踰嶂

帝體麗明儀辰作貳君彼東朝金昭玉粹德有潤身禮  
不愆器柔中淵映芳猷蘭祕

昔在文昭今惟武穆於赫王宰方旦居叔有睟獻蕃爰  
履奠牧寧極和鈞屏京維服

朏魄雙交月氣參變開紫灑澤舒虹爍電化際無間皇  
情爰眷伊思鎬飲每惟洛宴

郊餞有壇君舉有禮幙惟蘭甸畫流高陛分庭薦樂析  
波浮醴豫同夏諺事兼出濟

仰閱豐施降惟微物三妨儲隸五塵朝黻途泰命屯恩  
克報屈有悔可悛滯瑕難拂

皇太子釋奠會作

九章

宋畧曰文帝元嘉三十年三月  
月皇太子劬釋奠于國學

國尚師位家崇儒門稟道毓德講藝立言浚明爽曙達  
義茲昏永瞻先覺顧惟後昆

大人長物繼天接聖時屯必亨運蒙則正偃閉武術闡  
揚文令庶士傾風萬流仰鏡

虞庠飾館睿圖炳晬懷仁憬集抱智廣至踵門陳書蹟  
儒獻器澡身玄淵宅心道秘

伊昔周儲聿光往記思皇世哲體元作嗣資此夙知降  
從經一作繼志過彼前文規周矩值

正殿虛筵司分簡日尚席函丈丞疑奉帙侍言稱辭惇  
史秉筆妙識幾微王載有述

肆

五臣作肆

議芳訊大教克明敬躬祀典告奠聖靈禮屬觀

鹽樂薦歌笙昭事是肅祖實非馨

獻終襲吉即宮廣譙堂設象庭宿金懸台保兼徽皇

戚比彥肴乾酒澄端服整弁

六官視命九賓相儀纓笏帟序巾卷克街都莊雲動野

馗風馳倫周伍漢超哉邈猗

清暉在天容光必照物任其情理宣其典安先國胄側

聞邦教徒愧微冥終謝智效

三月三日詔宴西池詩

河嶽曜圖聖時利見於赫有皇升中納禪載貞其恒載  
通其變大哉人丈至矣天睠昭哉儲德靈慶攸繁明兩  
紫宸景物乾元帝宗菴藹惟城惟蕃袞衣善職彤弓受  
言飾館春宮稅鑣青輅長筵逶迤浮觴汾沂

為皇太子侍宴餞衡陽南平二王應詔詩

大儀在御皇聖居貞旁緝民紀仰綿天經物資感變神  
以瑞形川無遁寶山不闕靈亦既戒裝皇心載遠夕悵

亭臯晨儀禁苑神行景鶩發自靈閭對宴感分瞻秋悼  
晚

從軍行

以下  
五言

苦哉遠征人畢力幹時艱秦初略揚越漢世爭陰山地  
廣旁無界岳阿上虧天嶠霧下高鳥冰沙固流川秋飈  
冬未至春液夏不涓閩烽指荆吳胡埃屬幽燕橫海咸  
飛驪絕漠皆控弦馳檄發章表軍書交塞邊接鎬赴陣  
首卷甲起行前羽驛馳無絕旌旗晝夜懸臥伺金柝響

起候亭燧煙逝矣遠征人惜哉私自憐

應詔觀北湖田收

集曰元嘉十年也

周御窮轍跡夏載厯山川蓄軫豈明懋善遊比皆聖仙帝  
暉膺順動清蹕巡廣廡樓觀眺豐穎金駕映松山飛奔  
互流綴緹設代廻環神行埒浮景爭光溢中天開冬眷  
徂物殘悴盈化先陽陸團精氣陰谷曳寒煙攢素旣森  
藹積翠亦蔥芊息饗報嘉歲通急戒無年溫渥浹輿隸  
和惠屬後筵觀風久有作陳詩愧未妍疲弱謝陵遽取

累非纒牽

車駕幸京口侍遊蒜山作

集曰元嘉二十六年也

元天高北列日觀臨東溟入河起陽峽踐華因削成巖  
險去漢宇襟衛徙吳京流池自化造山關固神營園縣  
極方望邑社總地靈宅道炳星緯誕曜應辰明睿思纏  
故里巡駕帟舊垌陟峯騰輦路尋雲抗瑤薨春江壯風  
濤蘭野茂蕙英宣遊弘下濟窮遠凝聖情嶽濱有和會  
祥習在下征周南悲昔老留滯感遺氓空食疲廊肆反



稅事巖耕

車駕幸京口三月三日侍遊曲阿後湖作

集曰元嘉二十

六年也

虞風載帝狩夏諺頌王遊春方動宸駕望幸傾五州山  
祇蹕嶠路水若警滄流神御出瑤軫天儀降藻舟萬軸  
肩行衛千翼汎飛浮彫雲麗璇蓋祥飈被綵旂江南進  
荆豔河激獻趙謳金練照海浦笳鼓震溟洲藐眄觀青  
崖衍漾觀綠疇民靈騫都野鱗翰聳淵丘德禮既普洽

川嶽徧懷柔

拜陵廟作

周德恭明祀漢道遵光靈哀敬隆祖廟崇樹加園塋逮  
事休命始投迹階王庭陪廁廻天顧朝譙流聖情早服  
身義重晚達生戒輕否來王澤竭泰往人悔形敕躬慙  
積素復與昌運并恩合非漸漬榮會在逢迎夙御嚴清  
制朝駕守禁城束紳入西寢伏軫出東垆衣冠終冥漠  
陵邑轉惹青松風遵路急山烟冒壠生皇心憑容物民

思被歌聲萬紀載絃吹千歲託旒旌未殊帝世遠已同  
淪化萌幼壯困孤介未暮謝幽貞發軌喪夷易歸軫愼  
崎傾

贈王太常

王僧達答  
詩別見

玉水記方流璇源載圓折蓄寶每希聲雖秘猶彰徹聆  
龍睒

音砌

九淵聞鳳窺丹穴歷聽豈多士歸然觀時哲舒

文廣國華敷言遠朝列

五臣  
作烈

德輝灼邦懋芳風被鄉羣

側同幽人居郊扉常晝閑林閭時晏開亟廻長者轍庭

昏見野陰山明望松雪靜惟決羣化徂生入窮節豫往  
誠歡歇悲來非樂闕屬美謝繁翰遙懷具短札

夏夜呈從兄散騎車長沙

炎天方埃鬱暑晏闕塵紛獨靜闕偶坐臨堂對星分側  
聽風薄木遙睇月開雲夜蟬當夏急陰蟲先秋聞歲候  
初過半荃蕙豈久芬屏居惻物變慕類抱情殷九逝非  
空思七襄無成丈

直東宮答鄭尚書

皇居體環極設險祇天工兩闌阻通軌對禁限清風跂  
予旅東館徒歌屬南墉寢興鬱無已起觀辰漢中流雲  
藹青闕皓月鑒丹宮踟躕清防密徙倚恒漏窮君子吐  
芳訊感物惻余衷惜無丘園秀景行彼高松知言有誠  
貫一作實美價難克充何以銘嘉貺言樹絲與桐

和謝監靈運

弱植慕端操窘步懼先迷寡立非擇方刻意藉窮棲伊  
昔邁多幸秉筆侍兩闈

初學記  
作闈

雖慙丹腹施未謂玄素

睽徒遭良時詖王道奄昏霾人神幽明絕朋好雲雨乖  
弔屈汀洲浦謁帝蒼山蹊倚巖聽緒風攀林結留萋敗  
予間衡嶠曷月瞻秦稽皇聖昭天德豐澤振沈泥惜無  
雀雉化何用克海淮去國還故里幽門樹蓬藜采茨葺  
昔宇翦棘開舊畦物謝時旣晏年往志不偕親仁敷情  
昵興玩善作賦究辭悽芬馥歇蘭若清越奪琳珪盡言非  
報章聊用布所懷

北使洛

沈約宋書曰延之為豫章世子中軍行參軍義熙十二年高祖北伐有宋公之授府遣一使處殊命

參起居延之至洛陽道中作詩一首文辭藻麗為謝晦傳亮所賞

改服飭徒旅首路蹈險艱振楫發吳洲秣馬陵楚山塗  
出梁宋郊道由周鄭間前登陽城路日夕望三川在昔  
輟期運經始闢聖賢伊瀝絕津濟臺館無尺椽宮陛多  
巢穴城闕生雲煙王猷升八表嗟行方暮年陰風振涼  
野飛雲翳窮天臨塗未及引置酒慘無言隱憫徒御悲  
威遲良馬煩遊役去芳時歸來屢徂讐蓬心既已矣飛

薄殊亦然

還至梁城作

眇然軌路長  
憔悴征戍勤  
昔邁先徂師  
今來後歸軍  
振策睽東路  
傾側不及羣  
息徒顧將夕  
極望梁陳分  
故國多喬木  
空城凝寒雲  
丘隴填郭郭  
銘誌滅無文  
木石扃幽闥  
黍苗延高墳  
惟彼雍門子  
吁嗟孟嘗君  
愚賤同埋滅  
尊貴誰獨聞  
昌為久游客  
憂念坐自殷

始安郡還都與張湘州登巴陵城樓作



江漢分楚望，衡巫奠南服。三湘淪洞庭，七澤藹荆收。經塗延舊軌，登闥訪川陸。水國周地險，河山信重複。却倚雲夢林，前瞻京一作荆臺圉。清芬霽岳陽，曾暉薄瀾澳。淒矣自遠風，傷哉千里目。萬古陳往還，百代勞起伏。存沒竟何人，炯介在明淑。請從上世人，歸來藝桑竹。

秋胡詩九首

樂府作秋胡行

椅梧傾高鳳，寒谷待鳴律。影響豈不懷，自遠每相匹。婉彼幽閒女，作嬪君子室。峻節貫秋霜，明艷侔朝日。嘉運

既我從欣願自此畢

燕居未及好

五臣作歎

良人顧有遠脫巾千里外結綬登王

畿戒徒在昧旦左右來相依驅車出郊郭行路正威遲  
存為久離別沒為長不歸

嗟余怨行役三陟窮晨暮嚴駕越風寒解鞍犯霜露原  
隰多悲涼迴颺卷高樹離獸起荒蹊驚鳥縱橫去悲哉  
遊宦子勞此山川路

超搖行人遠宛轉年運徂良時

五臣作人

為此別日月方向

除孰知寒暑積僂俛見榮枯歲暮臨空房涼風起坐隅  
寢興日已寒白露生庭蕪

勤役從歸願反路遵山河昔辭秋未素今也歲載華蠶

月歡

一作觀

時暇桑野多經過佳人從所務窈窕援高柯

傾城誰不顧弭節停中阿

年往誠思勞路遠闊音形雖為五載別相與昧平生捨  
車遵往路鳬藻馳目成南金豈不重聊自意所輕義心  
多苦調密比金玉聲

高節難久淹竭來空復辭遲遲前途盡依依造門基上

堂拜嘉慶入室問何之日暮行來

選作

歸物色桑榆時

美人望昏至慙歎前相持

有懷誰能已聊用申苦難

補註  
作艱

離居殊年載一別阻河

關春來無時豫秋至恒早寒明發動愁心閨中起長歎

慘悽歲方晏日落遊子顏

高張生絕弦聲急由調起自昔枉光塵結言固終始如

何久為別百行誓

善作  
愁

諸已君子失明義誰與偕沒齒

愧彼行露詩甘之長川汜

五君詠五首

阮步兵

阮公雖淪跡識密鑒亦洞沈醉似埋照寓辭類託諷長  
嘯若懷人越禮自驚衆物故不可論途窮能無慟

嵇中散

中散不偶世本自餐霞人形解驗默仙吐論知凝神立  
俗迂流議尋山洽隱淪鸞翮有時鍛龍性誰能馴

劉參軍

劉伶善閉關懷情滅聞見鼓鍾不足歡榮色豈能眩  
韜精日沈飲誰知非荒宴頌酒雖短章深衷自此見

阮始平

仲容青雲器實稟生民秀達音何用深識微在金奏  
郭奕已心醉山公非虛覲屢薦不入官一麾乃出守

向常侍

向秀甘淡薄深心託毫素探道好淵玄觀書鄙章句交

呂既鴻軒攀嵇亦鳳舉流連河裏遊惻愴山陽賦

為織女贈牽牛

婺女儷經星姮娥棲飛月慙無二媛靈託身侍天闕閭

闔殊未暉咸池豈沐髮漢陰不夕張長河為誰越

一作誰是

越雖有促讌期方湏涼風發虛計雙曜周空遲三星沒

非怨杼軸勞但念芳菲歇

歸鴻

昧旦濡和風霑露踐朝暉萬有皆同春鴻鴈獨辭歸相

鳴去澗汜長引發江畿  
皦潔登雲侶連綿千里飛  
長懷河朔路緬與湘漢連

除弟服

徂沒離二秋掩泣備三冬  
往辰緬難紀來筭忽易窮  
升沒淹暮晦灑掃易禮容  
縞衣變余體長逝歸爾躬

辭難潮溝

徘徊眷郊甸俛仰引單襟  
一塗苟不豫百慮畢來侵  
水懷交在昔有願俱言瑟  
琴寫言勞者事將用慰亡簪



侍東耕詩

提封經地域辰角麗天節浮鵲起青壇沈睽發紺耜草  
服薦同穗黃冠獻嘉壽

闕

發景陽樓

詩索作表  
淑者非

風觀要春景月榭迎秋光  
泐波被華若隨山茂貞芳

闕

謝莊

字希逸弘微之子仕文帝時為隨王誕記室遷  
太子中庶子孝武立除侍中歷吏部都官尚書

左衛將軍加給事中又領叅軍將軍明帝時加金  
紫光祿大夫卒○詩品云希逸詩氣候清雅不逮

於王袁然興屬間  
長良無鄙促笑

承齋應詔

以下  
五言

霜露凝宸感肅儉動天引西郊滅湮揜

一作  
烟奔

東溟起昭

晉舞風泛龍常輪霞浮玉輶紫階協笙鏞金途展應幘方

見六詩和永聞九德潤觀生識幸渥睇服慙輜

一作  
輜悵

和元日雪花應詔

從候昭神世息燧應頌道玄化盡天秘凝功畢地寶笙  
鏞流七始玉息承三造委霰下璇甃豐雪翻瓊藻積曙  
境寓明聯夢千里杲掩映順雲懸搖裔從風掃發貺燭

任前騰瑞光圖表澤厚見身末恩踰悟生眇竦誠試駕  
肅側志梁鑾矯

七夕夜詠牛女應制

輟機起春暮停箱動秋衿璇居

歲時襟  
詠作車

照漢右芝駕肅

河陰容裔泛星道逶迤濟煙潯陸離迎宵佩倏爍望昏  
簪俱傾環氣怨共歆浹年心珠殿釭未沫瑤庭路已深  
夕

歲時  
作夜

清豈淹拂弦輝無久臨

侍宴蒜山

此二首疑  
亦闕文

龍旌拂紆景鳳蓋起流雲轉蕙方因委層華正氛氲  
煙竟山郊遠霧罷江天分調石飛延露裁金起承雲

侍東耕

肅鑣奉晨發恭帶厠朝聞仙鄉降朱靄神郊起青雲  
陰臺承寒彩陽樹迎初熏觀德欣臨藉瞻道樂遊汾

遊豫章西觀洪崖井

幽願平生積野好歲月彌捨簪神區外整褐靈鄉垂林  
遠炎天隔山深白日虧游陰騰鵠嶺飛清起鳳池隱曖

松霞被容與澗煙移將遂丘中性結駕終在斯

自潯陽至都集道里名為詩

山經亟旋覽水牒勸敷尋稽謝誠淹留煙臺信遐臨  
荆州凝寒氣秋浦結清陰眇眇高湖曠遙遙南陵深  
青溪如委黛黃沙似舒金觀道雷池側訪德茅堂陰  
魯顯闕微迹秦良滅芳音訊遠博望崖採賦梁山岑  
崇館非陳宇茂苑豈舊林

北宅祕園

夕天霽晚氣輕霞澄暮陰微風清幽幌餘日照青林收  
光漸窓歇窮園自荒深綠池翻素景秋槐響寒音伊人  
儻同愛絃酒共棲尋

喜雨

以下四  
首闕文

燕起知風舞礎潤識雲流冽泉承夜湛零雨望晨浮合  
穎行盛茂分穗方盈疇

江都平解嚴

肅旗簡廟律聳鉞暢乾靈朝晏推物泰通渥抃身寧

擊轅歌至世撫壤頌惟馨

從駕頓上

中權臨楚路前茅望吳雲冀馬依風蹠邊簫當夜聞

八月侍華林曜靈殿八關齋

玉桴乘夕遠金枝終夜舒澄淳玄化闡希微寂理孚

懷園引

以下  
雜言

鴻飛從萬里飛飛河岱起辛勤越霜霧聯翩溯江汜去  
舊國遠舊鄉舊海悠且長迴首瞻東路延翮向秋方登


楚都入楚關楚地蕭瑟楚山寒歲去水未已春來鴈不  
還風肅幌兮露濡庭漢水初綠柳葉青朱光靄靄雲英  
英離禽喈喈又晨鳴菊有秀兮松有蕤憂來年去容髮  
衰流陰逝景不可追臨堂危坐悵欲悲試託意兮向芳  
蓀心綿綿兮屬荒樊想綠蘋兮既冒沼念幽蘭兮已盈  
園夭桃晨暮發春鶯旦夕喧青苔蕪石路宿草塵蓬門

山夜憂

庭光盡山明歸流風乘軒卷明月緣河飛澗鳥鳴兮夜



蟬清橘露靡兮蕙烟輕凌別浦兮值泉躍經喬木兮遇  
援驚南臯別鶴行佇漢東隣孤管入青天沈疴白髮共  
急日朝露過隙詎賒年年既去兮髮不還金膏玉液豈  
留賢迴舫拓繩戶收棹掩荆關



古詩紀卷五十六

欽定四庫全書

集部  
古詩紀卷五十七

詳校官檢討臣德生

侍讀臣孫球覆勘

總校官知縣臣楊懋珩

校對官助教臣卜維吉

謄錄監生臣陸潮愈

欽定四庫全書

古詩紀卷五十七

明 馮惟訥 撰

宋第三

謝靈運

陳郡陽夏人以祖父並葬始寧縣遂移籍會稽晉孝武時襲封康樂公累遷黃門侍郎時

宋公位相國以為從事中郎遷世子左衛率及宋受禪降爵為侯起為散騎常侍轉太子左衛率武帝崩出為永嘉太守在郡辭歸始寧文帝登祚徵為秘書監遷侍中未幾復稱疾歸好尋山陟險會稽太守孟顗表其有與志帝惜其才授臨川內史復為有司所糾徙廣州尋以事詔就廣州棄市年四十九○詩品曰靈運詩其源出於陳思雅有景陽之體故尚巧似而逸蕩過之頗以繁蕪為累嶠

謂若人興多才高，寓目輒書，內無乏思，外無遺物。其繁富宜哉。然名章迴句，處處間起，麋興新聲，路  
繹奔會，譬猶青松之拔灌木，白  
玉之映塵沙，未足貶其高潔也。

樂府

康樂樂府多闕文  
姑從茂情舊次

善哉行

以下  
四言

陽谷躍升，虞淵引落。景曜東隅，晚晚西薄。三春燠敷，九  
秋蕭索。涼來溫謝，寒往暑却。居德斯頤，積善嬉諠。陰灌  
陽叢，凋華墮萼。歡去易慘，悲至難鑠。擊節樂府作  
激涕當歌，  
對酒當酌。鄙哉愚人，戚戚懷瘼。善哉達士，滔滔處樂。

隴西行

昔在老子至

一作志

理成篇枉小傾大綆短絕泉鳥之栖

遊林檀是閑韶樂牢膳豈伊攸便胡為乖枉從表方圓  
耿耿僚志慊慊丘園善歌以詠言理成篇

日出東南隅行

以下五言

柏梁冠南山桂宮耀北泉晨風拂檐幌朝日照閨軒美  
人卧屏席懷蘭秀瑤璫皎潔秋松氣淑德春景暄

闕

長歌行

條爍夕星流，晝奕朝露團。  
粲粲烏有停，泣泣豈暫安。  
徂齡速飛電，頽節驚驚湍。  
覽物起悲緒，顧已識憂端。  
朽貌改鮮色，悴容變柔顏。  
變改苟催促，容色烏盤桓。  
疊疊哀期迫，靡靡壯志闌。  
既慙臧孫慨，復愧楊子歎。  
寸陰果有逝，尺素竟無觀。  
幸賒道念戚，且取長歌歡。

苦寒行

二見

歲歲層冰合，紛紛霰雪落。  
浮陽減清暉，寒禽叫悲聲。  
饑爨煙不興，渴汲水枯涸。

又

載初學記  
疑有闕文

樵蘇無風飲鑿永煮朝飡悲矣採薇唱苦哉有餘酸

豫章行

短生旅長世恒覺白日歆覽鏡睨頽容華顏豈久期苟

無迴戈術坐觀落崦嵫

闕

相逢行

樂府作惠連今  
從藝文作靈運

行行即長道道長息班草邂逅賞心人與我傾懷抱夷  
世信難值憂來傷人平生不可保陽華與春渥陰柯



長秋稿心慨榮去速情苦憂來早日華難久居憂來傷  
人諄諄亦至老 親黨近卹庇昵君不常好九族悲素  
霰三良怨黃鳥邇朱白即頽憂來傷人近縞潔必造

水流理就濕火炎同歸燥賞契少能諧斷金斷可寶千  
計莫適從憂來傷人萬端信紛繞 巢林宜擇木結友  
使心曉心曉形迹畧畧邇誰能了相逢既若舊憂來傷  
人片言代紓縞

折楊柳行二首

鬱鬱河邊樹青青野田草舍我故鄉客將適萬里道妻  
妾牽衣袂收淚沾懷抱還拊幼童子顧託兄與嫂辭訣  
未及終嚴駕一何早負笻引文舟饑渴常不飽誰令爾  
貧賤咨嗟何所道

騷屑出穴風揮霍見日雪颼颼無久搖皎皎幾時潔未  
覺泮春冰已復謝秋節空對尺素遷獨視寸陰滅否桑  
未易繫秦茅難重拔桑茅迭生運語默寄前哲

泰山吟

岱宗秀維岳崔嵬刺雲天岑巘既嶮巖觸石輒芊綿

樂府

作千眠

登封瘞崇壇降禪藏肅然石閭何晻藹明堂祕靈

篇

君子有所思行

總駕越鍾陵還顧望京畿躑躅周名都遊目倦

一作卷忘

歸市鄠無阨

一作史

室世族有高闌密親麗華苑軒甍飭

通達孰是金張樂諒由燕趙詩長夜恣酣飲窮年弄音

徽盛往速露墜哀來疾風飛餘生不歡娛何以竟暮歸

寂寥曲肱子瓢飲療朝饑所稟自天性貧富豈相譏

悲哉行

陸士衡集亦載此詩  
誤也陸別有一首

萋萋春草生王孫遊有情差池鶯始飛天棖桃

一作始抑非

榮灼灼桃悅色飛飛燕弄聲檐上雲結陰澗下風吹清

幽樹雖改觀終始在初生松蒿歡蔓延樛葛欣蘩縈眇

然遊宦子晤言時未并鼻感改朔氣眼

一作心

傷變節榮

佗僚豈徒然澶

一作編

漫絕音形風來不可託鳥去豈為

聽

會吟行

六引緩清唱三調佇繁音列筵皆靜寂咸共聆會吟會  
吟自有初請從丈命數數績壺冀始刊木至江汜列宿  
炳天文負海橫地理連峰競千仞背流各百里滌池溉  
稂稻輕雲暖松杞兩京愧佳麗三都豈能似層臺指中  
天高墉積崇雉飛燕躍廣途鷗首戲清沚肆呈窈窕容  
五臣  
路曜姬娟子自來彌世一作代賢達不可紀勾踐  
作客  
善廢興越叟識行止范蠡出江湖梅福入城市東方就

旅逆梁鴻去桑梓牽綴書土風辭彈意未已

緩歌行

飛客結靈友凌空萃丹丘習習和風起采采彤雲浮

一作

流

娥皇發湘浦霄明出河洲宛宛連螭轡裔裔振龍旒

一作

闕

燕歌行 七言

孟冬初寒節氣成悲風入閨霜依庭秋蟬噪柳燕辭

樂府

作

楹念君行役怨邊城君何崎嶇久徂征豈無膏沐感

鵲鳴對君不樂淚沾纓闌窓開幌弄秦箏調絃促柱多  
哀聲遙夜明月鑒帷屏誰知河漢淺且清展轉思服悲  
明星

鞠歌行

以下  
雜言

德不孤兮必有鄰唱和之契冥相因譬如虬虎兮來風  
雲亦如形聲影響陳心歡賞兮歲易淪隱玉藏彩疇識  
真叔牙顯夷吾親郢既歿匠寢斤覽古籍信伊人永言  
知己感良辰

順東西門行

出西門眺雲間揮斤扶木墜虞泉信道人鑒徂川思樂  
暫捨誓不旋閔九九傷牛山宿心載違徒昔言競落運  
務頽年招命儕好相追牽酌芳醕奏繁絃惜寸陰情固  
然

上留田行

薄遊出彼東道上留田薄遊出彼東道上留田循聽一  
何轟轟上留田澄川一何皎皎上留田悠哉遇矣征夫



上留田悠哉邁矣征夫上留田兩服上阪電遊

彙作雷遊

上

留田舫舟下游颺驅上留田此別既久無適上留田此  
別既久無適上留田寸心繫在萬里上留田尺素遵此  
千夕上留田秋冬迭相去就上留田秋冬迭相去就上  
留田素雪紛紛鶴委上留田清風颺颺入袖上留田歲  
云暮矣增憂上留田歲云暮矣增憂上留田誠知運來  
詎抑上留田熱視年往莫留上留田

三月三日侍宴西池詩

四言

詳觀記牒鴻荒莫傳降及雲鳥曰聖則天虞承唐命周  
襲商艱江之永矣皇心惟眷矧乃暮春時物芳猗濫觴  
逶迤周流蘭殿禮備朝容樂闋夕宴

述祖德詩二首

以下  
五言

序曰大元中王父龕定淮南負荷世業專主隆人逮  
賢相徂謝君子道消拂衣蕃岳考卜東山事同樂生  
之時志期范蠡之舉

達人貴自我高情屬天雲兼挹濟物性而不纓垢氛段

生蕃

通作蕃

魏國展季救魯人弦高犒暗

舊作音誤

師仲連卻

秦軍臨組乍不縶對珪寧肯分惠物辭所賞勵志故絕

人茗茗歷千載遙遙播清塵清塵竟誰嗣明哲垂

選作時

經綸委講綴

當作輟

道論改服康世屯屯難既云康尊主

隆斯民

中原昔喪亂喪亂豈解已崩騰永嘉末逼迫太元始河  
外無反正江介有蹙地萬邦咸震懾橫流賴君子拯溺  
由道情龕暴資神理秦趙欣來蘇燕魏遲文軌賢相謝

世運遠圖因事止高揖七州外拂衣五湖裏隨山疏濬  
潭傍巖藝粉梓遺情捨塵物貞觀丘壑美

九日從宋公戲馬臺集送孔令

季秋邊朔苦旅鴈遠霜雪淒淒陽卉腓皎皎寒潭絜

潔同

良辰感聖心雲旗興暮節鳴葭戾朱宮蘭卮獻時哲餞  
宴光有孚和樂隆所缺在宥天下理吹萬羣方悅歸客  
遂海隅脫冠謝朝列弭棹薄枉渚指景待樂闋河流有  
急瀾浮驟無緩轍豈伊川途念宿心愧將別彼美丘園

道喟焉傷薄劣

從遊京口北固應詔

玉璽戒誠信黃屋示崇高事為名教用道以神理超昔  
聞汾水遊今見塵外鑣鳴笳發春渚稅鑾登山椒張組  
眇倒景列筵矚歸潮遠巖映蘭薄白日麗江臯原隰萋  
綠柳墟囿散紅桃皇心美陽澤萬象咸光昭顧已枉維  
繫撫志慙場苗工拙各所宜終以反林巢曾是紫萑想  
覽物奏長謡

永初三年七月十六日之郡初發都

述職期闌暑理棹變金素秋岸澄夕陰火旻團朝露辛  
苦誰為情遊子值頽暮愛似莊念昔久敬曾存故如何  
懷土心持此謝遠度李牧愧長袖卻克慙躡步良時不  
見遺醜狀不成惡曰余亦支離依方早有慕生幸休明  
世親蒙英達顧空班趙氏璧徒乖魏王毓從來漸二紀  
始得傍歸路將窮山海迹永絕賞心悟

隣里相送至方山

祗役出皇邑相期憩甌越解纜及流潮懷舊不能發析  
析就哀林皎皎明秋月含情易為盈遇物難可歇積痼  
謝生慮寡慾罕所闕資此永幽棲豈伊年歲別各勉日  
新志音塵慰寂蔑

過始寧墅

束髮懷耿介逐物遂推遷遠志似如昨二紀及茲年緇  
磷謝清曠疲繭慙貞堅拙疾相倚薄還得靜者便剖竹  
守滄海枉帆過舊山山行窮登頓水涉盡洄沿巖峭嶺

稠疊洲縈渚連綿白雲抱幽石綠篠媚清漣葦宇臨廻  
江築觀基曾顛揮手告鄉曲二載期歸旋且為樹粉櫨  
無令孤願言

富春渚

宵濟漁浦潭旦及富春郭定山緬雲霧赤亭無淹薄溯  
流觸驚急臨圻阻參錯亮乏伯昏分險過呂梁壑洊至  
宜便習兼山貴止託平生協幽期淪躋困微弱久露干  
祿請始果遠遊諾宿心漸申寫萬事俱零落懷抱既



昭曠外物徒龍蠖

七里瀨

羈心積秋晨晨積展遊眺孤客傷逝湍徒旅苦奔峭石  
淺水潺湲日落山照曜荒林紛沃若哀禽相叫嘯遭物  
悼遷斥存期得要妙既秉上皇心五臣作情豈屑末代謂目  
覩嚴子瀨想屬任公釣誰謂古今殊異代可同調

晚出西射堂

步出西城

集作掖

門遙望城西岑連障疊巘嶢青翠杳深

沈曉霜楓葉丹夕曛嵐氣陰節徃感不淺感來念已深  
羈雌戀舊侶迷鳥懷故林含情尚勞愛如何離賞心撫  
鏡華緇鬢攬帶緩促衿安排徒空言幽獨賴鳴琴

登池上樓

潛虬媚幽姿飛鴻響遠音薄霄愧雲浮棲川怍淵沈進  
德智所拙退耕力不任徇祿反窮海卧病對空林衾枕  
昧節候褰開暫窺臨傾耳聆波瀾舉目眺嶇嶇初景革  
緒風新陽改故陰池塘生春草園柳變鳴禽祁祁傷幽

歌萋萋感楚吟索居易永久離羣難處心持操豈獨古  
無悶徵在今

遊南亭

時竟夕澄霽雲歸日西馳密林含餘清遠峰隱半規久  
痾昏墊苦旅館眺郊岐澤蘭漸被徑芙蓉始發池未厭  
青春好已觀朱明移戚戚感物歎星星白髮垂藥餌情  
所止哀疾忽在斯逝將候秋水息景偃舊崖我志誰與  
亮賞心惟良知

遊赤石進帆海

首夏猶清和芳草亦未歇  
水宿淹晨暮陰霞屢興沒  
周覽倦瀛壖況乃凌窮髮  
川后時安流天吳靜不發  
揚帆採石華掛席拾海月  
溟漲無端倪虛舟有超越  
仲連輕齊組子牟眷魏闕  
矜名道不足適已物可忽  
請附任公言終然謝天伐

登江中孤嶼

江南倦歷覽江北曠周旋  
懷新道轉迴尋異景不延亂

流趨正絕

五臣作孤嶼

孤嶼媚中川雲日相輝映空水共澄

鮮表靈物莫賞蘊真誰為傳想像崑山姿緬邈區中  
緣始信安期術得盡養生年

登永嘉綠嶂山詩

裹糧杖輕策懷遲上幽室行源迴轉遠距陸情未畢澹

漱結寒安團欒潤霜質澗委水屢迷林迴巖遡密卷西

謂初月顧東疑落日踐

一作殘

夕奄昏曙蔽翳皆周悉蠱

上貴不事履二美貞吉幽人常坦步高尚邈難匹願阿

竟何端寂寂寄抱一恬如既已交繕性自此出

郡東山望溟海詩

一作東山望海

開春獻初歲白日出悠悠蕩志將愉樂瞰海庶忘憂策  
馬步蘭皋縹控息椒丘采蕙遵大薄攀若履長洲白花  
鴈陽林紫薑一作翹暉春流非徒不弭忘覽物情彌適萱  
蘇始無慰寂寞終可求

遊嶺門山詩

西京誰修政龔汲稱良吏君子豈定所清塵慮不嗣早

蒞建德鄉民懷虞芮意海岸常寥寥空館盈清思協  
以上冬月晨遊肆所喜千圻邈不同萬嶺狀皆異威摧  
三山峭瀨汨兩江駛漁舟一作商豈安流樵拾謝西芑人  
生誰云樂貴不屈所志

石室山詩

清旦索幽異放舟越垌郊萋萋蘭渚急藐藐苔嶺高石  
室冠林陬飛泉發山椒虛泛徑千載崢嶸非一朝鄉村  
絕聞見樵蘇限風霄微戎無遠覽總并美升喬靈域久

窮隱如與心賞交合歡不容言摘芳弄寒條

登上戍石鼓山詩

旅人心長久憂憂自相接故鄉路遙遠川陸不可涉汨

汨莫與娛發春托登躡歡願既無並戚慮庶有協

一作怯

極目睎左濶迴顧眺右狹日末濶增波雲生嶺逾疊白

芷競新苔綠蘋齊初葉摘芳芳靡諼愉樂樂不變佳期

緬無像騁望誰云愜

行田登海口盤嶼山



羈苦孰云慰觀海藉朝風莫辨洪波極誰知大壑東依  
稀採菱歌彷彿含嚔容遨遊碧沙渚遊衍丹山峰

白石巖下徑行田

小邑居易貧災年民無生知淺懼不周愛深憂在情舊  
業橫海外蕪穢積頽齡饑饉不可久甘心務經營千頃  
帶遠堤萬里瀉長汀洲流洎澮合連統塍埒并雖非楚  
宮化荒闕亦黎萌雖非鄭白渠每歲望東京天鑒儻不  
孤來茲驗微誠

齋中讀書

昔余遊京華未嘗廢丘壑矧乃歸山川心跡雙寂寞虛  
館絕諍訟空庭來鳥雀卧疾豐暇豫翰墨時間作懷抱  
觀古今寢食展戲謔既笑沮溺苦又哂子雲閣執戟亦  
以疲耕稼豈云樂萬事難並歡達生幸可託

命學士講書

卧病同淮陽宰邑曠武城弦歌愧言子清淨謝伏生古  
人不可攀何以報恩榮時往歲易周聿來政無成曾是

展予心招學講羣經鑠金既云刃凝土亦能型望爾志  
尚隆遠嗣竹箭聲敢謂荀氏訓且布一作有蘭陵情待罪  
豈久期禮樂俟賢明

種桑詩

詩人陳條柯亦有美攘剔前修為誰故後事資紡績常  
佩知方誠愧微富教益浮陽驚嘉月藝桑追間隙疎欄  
發近郭長行達廣場曠流始涖泉涵塗猶跬跡俾此將  
長成慰我海外役



古詩紀卷五十七

欽定四庫全書

古詩紀卷五十八

明 馮惟訥 撰

宋第四

謝靈運

二

初去郡

彭薛裁知耻貢公未遺榮  
或可優貧賤豈足稱達生  
伊余秉微尚拙訥謝浮名  
廬園當棲巖卑位代躬耕  
顧已雖自許心迹猶未并  
無庸方選作妨周任有疾像長

卿畢娶類尚子薄遊似邴生恭承古人意促

五臣作

裝返

柴荆牽絲及元興解龜在景平負心二十載於今廢將

迎理棹遄還期遵渚驚脩坳溯溪終水涉登嶺始山行

野曠沙岸淨天高秋月明憇石挹飛泉攀林蹇落英戰

勝臞者肥鑒止流歸停即是羲唐化獲我擊壤情

一作聲

田南樹園激流植援

樵隱俱在山由來事不同不同非一事養病亦園中中

園

一作園中

屏氛雜清曠招遠風卜室倚北阜啓扉而南江

激澗代汲井插槿當列壩羣木既羅戶衆山亦當

善作對

窓靡迤趨下田

五臣作岫

迢遞瞰高峯寡欲不期勞即事罕

人功唯開蔣生選永懷求羊蹤賞心不可忘妙善冀能同

石壁精舍還湖中作

昏旦變氣候山水含清暉清暉能娛人游子憺忘歸出  
谷日尚早入舟陽已微林壑歛暝色雲霞收夕霏芰荷  
迭映蔚蒲稗相因依披拂趨南逕愉悅偃東扉慮澹物



自輕意愜理無違寄言攝生客試用此道推

登石門最高頂

晨策尋絕壁夕息在山棲  
疏峰抗高館對嶺臨迴溪  
長

林羅戶穴

一作庭

積石擁階基連巖覺路塞  
密竹使徑迷

來人忘新術去子惑故蹊  
活活夕流駛噉噉夜猿啼  
沈冥豈別理守道自不攜  
心契九秋幹目翫三春英  
居常以待終處順故安排  
惜惜無同懷客共登青雲  
梯

石門新營所住四面高山  
迴溪石瀨茂林脩竹

躋險築幽居披雲卧石門苔滑誰能步葛弱豈可捫  
娟秋風過萋萋春草繁美人遊不還佳期何由敦芳塵  
凝瑤席清醕滿金尊洞庭空波瀾桂枝徒攀翻結念屬  
霄漢孤景莫與緩俯濯石下潭仰看條上猿早聞夕飈  
急晚見朝日曛崖傾光難留林深響易奔感往慮有復  
理來情無存庶持乘日車

選作  
日用

得以慰營魂匪為衆人

說冀與智者論

於南山往北山經湖中瞻眺

朝旦發陽崖景落憇陰峰舍舟眺迴渚停策倚茂松側  
逕既窈窕環洲亦玲瓏俛視喬木杪仰聆大壑淙石橫  
水分流林密蹊絕蹤解作竟何感升長皆丰容初篴芭  
綠籜新蒲含紫茸海鷗戲春岸天鷄弄和風撫化心無  
厭覽物眷彌重不惜去人遠但恨莫與同孤遊非情歎  
賞廢理誰通

從斤竹澗越嶺溪行

猿鳴誠知曙谷幽光未顯巖下雲方合花上露猶泣逶

迤傍隈隩迢遞陟陁峴過澗既厲急登棧亦陵緬川渚  
屢徑復乘流翫迴轉蘋萍泛沈深旅蒲冒清淺企石挹  
飛泉攀林摘葉卷想見山阿人薜蘿若在眼握蘭勤徒  
結折麻心莫展情用賞為美事昧竟誰辨觀此遺物  
慮一悟得所遣

過白岸亭詩

拂衣遵沙垣緩步入蓬屋近澗洊密石遠山映疎木空  
翠難強名漁釣易為曲援蘿聆青崖春心自相屬交交

止相黃吻吻食萍鹿傷彼人百哀嘉爾承筐樂榮悴迭  
去來窮通成休憾未若長踈散萬事恒抱朴

夜宿石門詩

拾遺作石  
門巖上宿

朝攀苑中蘭畏彼霜下歇暝還雲際宿弄此石上月鳥  
鳴識夜棲木落知風發異音同至聽殊響俱清越妙物  
莫為賞芳醕誰與伐美人竟不來陽阿徒晞髮

南樓中望所遲客

杳杳日西頽漫漫長路迫登樓為誰思臨江遲來客與

我別所期期在三五夕圓景早已滿佳人殊

五臣作猶

未適

即事怨睽攜感物方悽感孟夏非長夜晦明如歲隔瑤  
華未堪折蘭苔已屢摘路阻莫贈問云何慰離析搔首  
訪行人引領冀良覲

廬陵王墓下作

曉月發雲陽落日次朱方含悽泛廣川灑淚眺連岡眷  
言懷君子沈痛切中腸道消結憤憑運開申悲涼神期  
恒若存德音初不忘徂謝易永久松柏森已行延州協

心許楚老惜蘭芳解劍竟何及撫墳徒自傷平生疑若  
人通救互相妨理感心情慟定非識所將脆促良可哀  
天枉特兼常一隨往化滅安用空名揚舉聲泣已涯長  
歎不成章

還舊園作見顏范二中書

辭滿豈多秩謝病不待年偶與張邠合久欲還東山聖  
靈昔廻眷微尚不及宣何意衝飈激烈火縱炎煙焚玉  
發崑峯餘燎遂見遷投沙理既迫如叩願亦慙長與歡

愛別永絕平生緣浮舟千仞壑總轡萬尋巔流沫不足  
險石林豈為艱閨中安可處日夜念歸旋事蹟兩如直  
心愜三避賢託身青雲上棲巖挹飛泉盛明盪氛昏貞  
休康屯遭殊方感成貸微物豫采甄感深操不固質弱  
易扳纏曾是反昔園語往實款然曩基即先築故池不  
更穿果木有舊行壤石無遠延雖非休憩地聊取永日  
閒衛生自有經息陰謝所牽夫子照清素探懷授往篇

酬從弟惠連

五章○惠連西陵遇  
風猷康樂詩見本集



寢瘵謝人徒滅迹入雲峰巖壑寓耳目歡愛隔音容永  
絕賞心望長懷莫與同末路值令弟開顏披心胃

心胃既云披意得咸在斯凌澗尋我室散帙問所知夕  
慮曉月流朝忌曛日馳悟對無厭歇聚散成分離

分離別西川迴景歸東山別時悲已甚別後情更延傾  
想遲嘉音果枉濟江篇辛勤風波事歎曲洲渚言

洲渚既淹時風波子行遲務協華京想詎存空谷期猶  
復惠來章祇足攪余思儻若果歸言共陶暮春時

暮春雖未交仲春善遊遨山桃發紅萼野蕨漸紫苞嚶  
鳴已悅豫幽居猶鬱陶夢寐佇歸舟釋我吝與勞

登臨海嶠初發疆中作與從弟惠連可見羊何共

和之

四章○集作登臨海嶠與從弟惠連一首

杪秋尋遠山山遠行不近與子別山阿含酸赴脩畛中  
流袂就判欲去情不忍顧望脰未脠汀曲舟已隱

隱汀絕望舟驚棹逐

一作通

驚流欲抑一生歡并奔千里

遊日落當棲薄繫纜臨江樓豈惟夕情斂憶爾共淹留

淹留昔時歡復增今日歎茲情已分慮況乃協悲端秋  
泉鳴北澗哀猿響南巒戚戚新別心悽悽久念攢

攢念攻別心旦發清溪陰暝投剡中宿明登天姥峯高  
高入雲霓還期那可尋儻遇浮丘公長絕子徽音

初發石首城

白珪尚可磨斯言易為緇雖抱中孚爻猶勞貝錦詩寸  
心若不亮微命察如絲日月垂光景成貸遂兼茲出宿  
薄京畿晨裝博曾颺重經平生別再與朋知辭故山日

已遠風波豈還時迢迢萬里帆茫茫終何之遊當羅浮  
行息必廬霍期越海陵三山遊湘歷九疑欽聖若旦暮  
懷賢亦悽其皎皎明發心不為歲寒欺

### 入東道路詩

整駕辭金門命旅惟詰朝懷居顧歸雲指塗沂行飈屬  
值清明節榮華感和韶陵隰繁綠杞墟圓粲紅桃鷺鷥  
翬方雉纖纖麥垂苗隱軫邑里密緬邈江海遼湍目皆  
古事心賞貴所高魯連謝千金延州權去朝行路既經

見願言寄吟謠

道路憶山中

采菱調易急江南歌不緩楚人心昔絕越客腸今斷斷  
絕雖殊念俱為歸慮歎存鄉爾思積憶山我憤憑追尋  
栖息時偃卧任縱誕得性非外求自己為誰纂不怨秋  
長常一作恒苦夏日短濯流激浮湍息陰倚密竿懷故  
新歡含悲忘春暖悽悽明月吹惻惻廣陵散殷勤訴危  
柱慷慨命促管

入彭蠡湖口

客遊倦水宿風潮難具論洲島驟迴合圻岸屢崩奔  
月聽哀紈浥露馥芳蓀春晚綠野秀巖高白雲屯千念  
集日夜萬感盈朝昏攀崖照石鏡牽葉入松門三江事  
多徃九派理空存靈物希珍恠異人秘精魂金膏滅明  
光水碧綴五臣作綴流溫徒作千里曲絃絕念彌敦

入華子岡是麻源第三谷

南州實炎德桂樹陵寒山銅陵映碧澗石磴瀉紅泉既

枉隱淪客亦棲肥遁賢險徑無測度天路非術阡遂登

羣峰首邈若升

藝文類聚作騰

雲煙羽人絕髣髴丹丘徒空

筌圖牒復磨滅碑版誰聞傳莫辨百代後安知千載前  
且申獨徃意乘月弄潺湲恒充俄頃用豈為古今然

發歸瀨三瀑布望兩溪

我行乘日垂故舟候月圓沫江免風濤涉清弄漪漣積  
石竦兩溪飛泉倒三山亦既窮登陟荒藹橫目前窺巖  
不覩景披林豈見天陽烏尚傾翰幽篁未為遭退尋平

常時安知巢穴難風雨非攸慄擁志誰與宣倘有同枝  
條此日即千年

初往新安桐廬口

締綌雖淒其授衣尚未至感節良已深懷古亦云

一作  
徒從

思不有千里棹孰申百代意遠協尚子心遙得許生計

既及冷風善又即秋水駛江山共開

一作  
閒

曠雲日相照

媚景夕羣物清對玩咸可喜

擬魏太子鄴中集詩八首

并序



建安末余時在鄴宮朝遊夕讌究歡愉之極天下良  
辰美景賞心樂事四者難并今昆弟友朋二三諸彦  
共盡之矣古來此娛書籍未見何者楚襄王時有宋  
玉唐景梁孝王時有鄒枚嚴馬遊者美矣而其主不  
文漢武帝徐樂諸才備應對之能而雄猜多忌豈獲  
晤言之適不誣方將庶必賢於今日爾歲月如流零  
落將盡撰文懷人感往增愴其辭曰

魏太子

百川赴巨海衆星環北辰照灼爛霄漢遙裔起長津天

地中橫潰家王

五臣作皇

拯生民區宇既蕩滌羣英必來臻

忝此欽賢性由來常懷仁況值衆君子傾心隆日新論  
物靡浮說析理實敷陳羅縷豈闕辭幼穉究天人澄觴  
湍金壘連榻設華茵急絃動飛聽清歌拂梁塵莫  
善作何  
言相遇易此歡信可珍

### 王祭

家本秦川貴公子孫遭亂流寓自傷情多

幽厲昔崩亂桓靈今板蕩伊洛既燎煙函崦沒無像

五臣

作象

整裝辭秦川秣馬赴楚壤沮漳自可美客心非外獎

常歎詩人言式微何由往上宰奉皇靈侯伯咸宗長雲

騎亂漢南宛

善作紀

郢皆掃盪排霧屬威明披雲對清朗

慶泰欲重疊公子特先賞不謂息肩願一旦值明兩並

載遊鄴京方舟汎河廣綢繆清讌娛寂寥梁棟響既作

長夜飲豈顧乘日養

陳琳

袁本初書記之士故述喪亂事多

皇漢逢此遭天下遭氛慝董氏淪關西袁家擁河北單

民

五臣作人

易周章窘身就羈勒豈意事乖已永懷戀故國

相公竇勤王信能定螫賊復覩東都輝重見漢朝則餘  
生幸已多矧乃值明德愛客不告疲飲讌遺景刻夜聽

極星爛

五臣作闕

朝遊窮曠黑衣哇動梁埃急觸盪幽默且

盡一日娛莫知古來惑

徐幹

少無宦情有箕顓之心事故仕世多素辭

伊昔家臨淄提携弄齊瑟置酒飲膠東淹留越高密此  
歡謂可終外物始難畢搖蕩箕濮情窮年迫憂慄未塗  
幸休明棲集建薄質已免負薪苦仍游椒蘭室清論事  
究萬美話信非一行觴奏悲歌永夜繁五臣作繼白日華屋  
非蓬居時髦豈余匹中飲顧昔心悵焉若有失

劉楨

卓犖偏人而文最有氣所得頗經奇

貧居晏里閨少小長東平河充當衝要淪飄薄許京廣  
川無逆流招納廁羣英北渡黎陽津南登宛善作紀郢城  
既覽古今事頗識治亂情歡友相解達敷奏究平生矧  
荷明哲顧知深覺命輕朝遊牛羊下暮坐拈揭鳴終歲  
非一日傳卮弄清聲辰事既難諧歡願如今并唯美肅  
肅翰續紛戾高冥

應場

汝穎之士流離世故頗有飄薄之歎

嗷嗷雲中鴈舉翮自委羽求涼弱水湄違寒長沙渚顧

我梁

五臣作涼

川時緩步集賴許一旦逢世難淪薄恒羈旅

天下昔未定託身早得所官渡廁一卒烏林預艱阻晚  
節值衆賢會同庇天宇列坐蔭華棖金樽盈清醕始奏  
延露曲繼以闌夕語調笑輒酬答嘲謔無慙阻傾軀無  
遺慮在心良已叙

阮瑀

管書記之任故有優渥之言

河洲多沙塵風悲黃雲起金羈相馳逐睽翩何窮已慶  
雲惠優渥微薄攀多士念昔渤海時南皮戲清沚今復  
河曲遊鳴葭汎蘭汜躡步陵丹梯並坐侍君子妍談既  
愉心哀音一作弄信睦耳傾酤係芳醕酌言豈終始自從  
食萍來唯見今日美

平原侯植

公子不及世事但美遨遊然頗有憂生之嗟

朝遊登鳳閣日暮集華沼傾柯引弱枝攀條摘蕙草徙



倚窮騁望目極盡所討西顧太行山北眺邯鄲道平衢  
脩且直白楊信裊裊副君命飲宴歡娛寫懷抱良遊匪  
晝夜豈云晚與早衆賓悉精妙清辭灑蘭藻

五臣作  
蘭藻

哀

音下迴鵠餘哇徹清昊中山不知醉飲德方覺飽願以  
黃髮期養生念將老

石壁立招提精舍

四城有頓躋三世無極已浮歡昧眼前沈照貫終始壯  
齡緩前期頽年追暮齒揮霍夢幻頃飄忽風電起良緣

迨未謝時逝不可俟敬擬靈鷲山尚想祇洹軌絕溜飛  
庭前高林映窓裏禪室栖空觀講宇析妙理

過瞿溪山僧

迎旭凌絕磴映沍歸淑浦錯燧斷山木掩岸堦石戶結  
架非丹甍藉田資宿莽同遊息心客暖然若可睹清霄  
颺浮煙空林響法鼓忘懷狎鷗鰕攝生馴兕虎望嶺眷  
靈鷲延心念淨土若乘四等觀永拔三界苦

七夕詠牛女

火逝首秋節新明弦月夕月弦光照戶秋首風入隙凌  
峰步曾崖藝文作岑憑雲肆遙脈徙倚西北庭竦踊東南覲  
紉綺無報章河漢有駸輒

彭城宮中直感歲暮

草草眷徂物契契矜歲殫楚艷起行戚吳趨絕歸懽脩  
帶緩舊裳素髮改朱顏晚暮悲獨坐藝文作已鳴鸚啟春

蘭

歲暮

以下五首文闕

殷憂不能寐苦此夜難顏明月照積雪朔風勁

初學作清

且

哀運往無淹物年逝覺已

藝文作易催

### 登廬山絕頂望諸嶠

積峽忽復啓平塗俄已閉巒隴有合沓往來無蹤轍晝

夜蔽日月冬夏共霜雪

### 夜發石關亭

隨山踰千里浮溪將十夕鳥歸息舟楫星闌命行役亭

亭曉月映泠泠朝露滴

答謝惠連

懷人行千里我勞盈十旬別時花灼灼別後葉蓁蓁

初發入南城

弄波不輟手玩景豈停目雖未登雲峰且以歡水宿

東陽溪中贈答二首

可憐誰家婦緣流洒

一作洗

素足明月在雲間迢迢不可

得

可憐誰家郎緣流乘素舸但問情若為月就雲中墮

作離合

古人怨信次十日眇未央加我懷繾綣口脉情亦傷劇

哉歸遊客處子勿相忘

別字

詩一首

宋書本傳曰靈運為孟顗所表帝惜其才不罪以  
為臨川內史在郡游放不異永嘉為有司所糾司  
徒遣隨州從事收之靈  
運與兵叛逸為詩曰

韓亡子房奮秦帝魯連耻本自江海人忠義感君子

臨終詩

梁書本傳曰靈運既被擒文帝以謝玄勲參微管宜宥及後嗣降死徙廣州又為有司所奏請依法

收治詔於廣州棄市臨刑作詩曰

龔勝無餘生季業有終盡稽公理既迫霍生命亦殞悽

悽後

一作凌

霜柏納納衝風茵邂逅竟無時

一作幾何

脩短非

所慙恨我君子志不得巖下泯送心正覺前斯痛久已  
忍唯願乘來生怨親同心朕

王子晉贊

贊例不錄以其近五言詩附存之

淑質非不麗難以之百年儲宮非不貴豈若登雲天王

子愛清淨區中實囂誼冀見浮丘公與爾共續翻

巖下見一老翁四五少年讚

咸弘之荊州記初弘採藥衡山見一老翁四五年少對坐執書劉敬叔異苑曰湘東姚祖太元中為郡吏經衡山望巖下數少年並執筆作書祖謂行旅休息乃過之未至百步少年相與飛颺遺一紙書在坐處前數句古時字自後皆烏

衡山採藥人路迷糧亦絕過息巖下坐正見相對說一老四五少仙隱不可別其書非世教其人必賢哲

維摩經十譬贊



維摩經云是身如聚沫深浴強忍是身如泡不得  
久立是身如野馬渴愛疲勞是身如芭蕉中無有  
堅是身如幻轉變報應是身如夢其現恍惚是身  
如影行照而現是身如響因緣變失是身如霧意  
無靜想是身如  
電為分散法

### 聚沫泡合

水性本無泡激流遂聚沫即異成狀貌消散歸虛壑君  
子識根本安事勞與奪愚俗駭變化橫復生欣怛

### 燄

性內相表狀非炎安知火新新相推移熒熒非向我如

何滯着人終歲迷因果

芭蕉

生分本多端芭蕉知不一  
含蕊不結核數華何由實  
至人善取譬無宰誰能律  
莫昵緣合時當視分散日

聚幻

幻工作同異誰謂復非真  
一從逝物過既往亦何陳  
謬者疑久近達者皆自賓  
勿起離合情會無百代人

夢

覺謂寢無知寐中非無見意狀盈眼前好惡迭一作迷萬

變既悟眇已往惜為浮物戀孰視婆娑盡寧當非赤縣

影響合


影響順形聲資物故生理一旦揮霍去何因相像似羣  
有靡不然昧漠乎自己四色尚無本八微欲安恃

浮雲

泛濫明月陰蒼蔚南山雨能為變動用在我竟無取俄  
已就飛散豈復得攢聚諸法既無我何由有我所

# 電

倏爍驚電過可見不可逐恒物生滅後誰復數遲速  
慎勿空留念橫使神理慙發已道易享忘情長之  
福



古詩紀卷五十八